

BOSNA I HERCEGOVINA
Federacija Bosne i Hercegovine
TUZLANSKI KANTON
V L A D A

Broj: 02/1- 02- 6301/25
Tuzla, 07.03.2025. godine

Na osnovu člana 5. i 29. Zakona o Vladi Tuzlanskog kantona ("Službene novine Tuzlanskog kantona", br. 17/00, 1/05, 11/06, 13/11 i 15/17), Vlada Tuzlanskog kantona na sjednici održanoj dana 07.03.2025. godine, donosi

ODLUKU
o utvrđivanju prijedloga Zakona

I

Utvrđuje se prijedlog Zakona o izmjenama i dopunama Zakona o predškolskom odgoju i obrazovanju.

II


Prijedlog Zakona iz tačke I ove Odluke uputit će se Skupštini Tuzlanskog kantona na razmatranje i donošenje.

III

Odluka stupa na snagu danom donošenja.

DOSTAVITI:

- 1 x Skupštini Tuzlanskog kantona
- 1 x Ministarstvu obrazovanja i nauke
- 1 x Evidenciji
- 1 x a/a



PREMIJER KANTONA

Irfan Halilagić

BOSNA I HERCEGOVINA
Federacija Bosne i Hercegovine
TUZLANSKI KANTON
VLADA

-PRIJEDLOG-

ZAKON
o izmjenama i dopunama Zakona o predškolskom odgoju i obrazovanju

Tuzla, mart 2025. godine

Na osnovu člana 24. stav 1. tačka c) Ustava Tuzlanskog kantona („Službene novine Tuzlansko-podrinjskog kantona“ broj: 7/97 i 3/99 i „Službene novine Tuzlanskog kantona“, br. 13/99, 10/00, 14/02, 6/04 i 10/04), na prijedlog Vlade Tuzlanskog kantona, Skupština Tuzlanskog kantona, na sjednici održanoj _____ godine, d o n o s i

Z A K O N

O IZMJENAMA I DOPUNAMA ZAKONA O PREDŠKOLSKOM ODGOJU I OBRAZOVANJU

Član 1.

U Zakonu o predškolskom odgoju i obrazovanju – prečišćeni tekst („Službene novine Tuzlanskog kantona“, broj: 10/20 i 05/22) u članu 2. iza stava (2) dodaje se novi stav (3) koji glasi:

„(3) Svaki vid okupljanja grupe djece (više od dvoje djece) predškolske dobi, koji podrazumijeva obezbjeđen boravak, ishranu kao i organizovane aktivnosti s djecom, izuzev okupljanja djece predškolske dobi pod nadzorom roditelja/staratelja u igraonicama u sklopu trgovačkih i ugostiteljskih objekata te okupljanja djece predškolske dobi u objektima vjerskih zajednica i crkava u svrhu vjerske pouke, smatra se predškolskim odgojem i obrazovanjem u smislu ovog zakona i realizuje se u predškolskim ustanovama.“.

Dosadašnji stav (3) postaje stav (4).

U dosadašnjem stavu (3) koji postaje stav (4) iza riječi „posebnog“ dodaje se riječ „društvenog“.

Član 2.

U članu 16. u stavu (1) riječi „Predškolske ustanove obavljaju djelatnost odgoja i obrazovanja“ zamjenjuju se riječima „Djelatnost predškolskog odgoja i obrazovanja obavlja se“.

Član 3.

U članu 49. u stavu (4) riječ „osam“ zamjenjuje se brojem „12“.

Član 4.

U članu 50. iza riječi „asistenta“, dodaju se riječi „, u odgojnoj grupi“.

Član 5.

U članu 53. stav (3) mijenja se i glasi:

(3) Izuzetno, javna predškolska ustanova može vršiti prijem zaposlenika u radni odnos na određeno vrijeme bez provođenja javnog konkursa/javnog oglasa, i to:

a) ukoliko se po okončanju konkursne procedure ne bude mogao izabrati kandidat koji ispunjava uslove konkursa za radna mjesta iz stava (1) ovog člana, javna predškolska ustanova može primiti lice odgovarajućeg profila i stručne spreme, na određeni period, ne duži od 180 dana;

b) radi zamjene odsutnog zaposlenika, može se primiti lice odgovarajućeg profila i stručne spreme, koje ispunjava uslove predviđene ovim zakonom, na određeni period, ne duži od 180 dana;

(c) radi izvršavanja neophodnih poslova, ne više od jedanput u toku godine, uz saglasnost osnivača, može se primiti lice odgovarajućeg profila i stručne spreme, na period ne duži od 180 dana od dana zaključenja ugovora, unutar kojeg perioda je predškolska ustanova dužna raspisati javni konkurs/javni oglas, u slučaju da i dalje postoji potreba za takvim radnim angažmanom.

U istom članu iza stava (3) dodaje se novi stav (4) koji glasi:

„(4) Ukoliko se po okončanju konkursa ne bude mogao izabrati kandidat u skladu sa stavom (3) ovog člana, predškolska ustanova može angažovati zaposlenika bez zasnivanja radnog odnosa u cilju realizacije obaveznog programa predškolskog odgoja i obrazovanja, koji je u radnom odnosu kod drugog poslodavca ili kojem je ranije prestao radni odnos u skladu sa odredbama Zakona o radu („Službene novine Federacije Bosne i Hercegovine”, br. 26/16, 89/18, 23/20, 44/22 i 39/24) (u daljem tekstu: Zakon o radu), usljed navršavanja godina života odnosno godina staža osiguranja u skladu sa propisima o penzijskom i invalidskom osiguranju.

Dasadašnji stavovi (4), (5), (6) i (7) postaju stavovi (5), (6), (7) i (8).“.

Član 6.

U članu 56. stav (2) mijenja se i glasi:

„(2) Ukoliko zaposlenici iz stava (1) koriste godišnji odmor u dijelovima, prvi dio koriste bez prekida u trajanju od najmanje 12 radnih dana u toku kalendarske godine, a drugi dio najkasnije do 30. juna naredne godine.“.

U istom članu iza stava (2) dodaje se novi stav (3) koji glasi:

„(3) Radnik koji ne iskoristi prvi dio godišnjeg odmora u smislu stava (2) ovog člana, nema pravo prenošenja godišnjeg odmora u narednu godinu.

Dosadašnji stav (3) postaje stav (4).

Član 7.

U članu 66. iza stava (7) dodaju se novi stavovi (8), (9) i (10) koji glase:

„(8) Stupanjem na dužnost direktor predškolske ustanove sa predškolskom ustanovom zaključuje ugovor o obavljanju poslova direktora predškolske ustanove na puno radno vrijeme, koji u ime predškolske ustanove potpisuje predsjednik upravnog odbora ili drugo lice koje ovlasti upravni odbor.

(9) O pravima, obavezama, odgovornostima i drugim pravnim interesima direktora predškolske ustanove, ako ovim zakonom nije drugačije propisano, odlučuje upravni odbor.

(10) Protiv odluke iz stava (9) ovog člana direktor predškolske ustanove može upravnom odboru podnijeti zahtjev za njeno preispitivanje, kao i pokrenuti parnični postupak. Podneseni zahtjev za preispitivanje odluke ne odlaže njeno izvršenje.“.

Član 8.

U članu 81. u stavu (1) u tački f) iza teksta „ustanove,“ dodaju se riječi „u skladu s mogućnostima“.

Član 9.

Iza člana 91. dodaje se novi član 91a. koji glasi:

„Član 91a. (Kaznene odredbe)

(1) Pravno lice koje bude zatečeno u realizovanju djelatnosti predškolskog odgoja iz člana 2. stav (3) ovog zakona, a pri tome nije registrovano kao predškolska ustanova, kaznit će se novčanom kaznom od 10.000,00 KM do 20.000,00 KM.

(2) Fizičko lice u svojstvu obrtnika koje bude zatečeno u realizovanju djelatnosti predškolskog odgoja iz člana 2. stav (3) ovog zakona, a pri tome nije registrovano kao predškolska ustanova, kaznit će se novčanom kaznom od 5.000,00 KM do 10.000,00 KM.

(3) Za prekršaj iz stava (1) ovog člana kaznit će se i odgovorno lice u pravnom licu novčanom kaznom od 1.000,00 KM do 5.000,00 KM.

(4) Za prekršaj iz stava (1) ovog člana pored novčane kazne može se izreći i zaštitna mjera zabrana obavljanja djelatnosti.“.

Član 10.

(Obaveza usklađivanja općih akata)

Predškolske ustanove dužne su uskladiti svoja opća akta sa odredbama ovog zakona u roku od šest mjeseci od dana stupanja na snagu ovog zakona.

Član 11.

(Završetak započelog pripravničkog staža)

Lica koja su pripravnički staž započela prije stupanja na snagu ovog zakona isti će okončati u skladu sa odredbama koje su važile u momentu započinjanja pripravničkog staža.

Član 12.

(Stupanje na snagu)

Ovaj zakon stupa na snagu narednog dana od dana objavljivanja u „Službenim novinama Tuzlanskog kantona“.

BOSNA I HERCEGOVINA
Federacija Bosne i Hercegovine
TUZLANSKI KANTON
Skupština
Broj:
Tuzla,

Predsjednik
Skupštine Tuzlanskog kantona

Žarko Vujović

O B R A Z L O Ž E N J E

Prijedloga Zakona o izmjenama i dopunama Zakona o predškolskom odgoju i obrazovanju

I – PRAVNI OSNOV ZA DONOŠENJE ZAKONA

Pravni osnov za donošenje ovog Zakona sadržan je u poglavlju IV 2. član 24. c) Ustava Tuzlanskog kantona („Službene novine TPK“, broj: 7/97 i 3/99 i „Službene novine TK“, broj: 13/99, 10/00, 14/02, 6/04 i 10/04), kojim je utvrđeno da Skupština Tuzlanskog kantona donosi zakone i ostale propise neophodne za izvršavanje nadležnosti Kantona.

II – RAZLOZI ZA DONOŠENJE ZAKONA

Programom rada Skupštine Tuzlanskog kantona za 2024. godinu („Službene novine Tuzlanskog kantona“, broj: 5/24) predviđeno je donošenje predmetnog zakona a sem toga razlozi za donošenje Zakona o izmjenama i dopunama Zakona o predškolskom odgoju i obrazovanju su popunjavanje pravnih praznina uočenih tokom primjene zakona na koje je također ukazano i u presudi Kantonalnog suda u Tuzli, kao i usklađivanje pojedinih odredbi sa odredbama propisa koje tretiraju druge djelatnosti obrazovanja.

III – OBRAZLOŽENJE POJEDINIH RJEŠENJA

Član 1. vrše se dopuna postojećeg člana 2. kako bi se jasnije definisalo šta se smatra djelatnošću predškolskog odgoja i obrazovanja koja se može realizovati isključivo u predškolskim ustanovama, obzirom da je primjećen rastući trend otvaranja privatnih ustanova koje se bave čuvanjem djece i brigom o djeci a nadležni inspektori nemaju mogućnost nadzora takvih ustanova.

Član 2. vrši se izmjena u članu 16. u stavu (1) radi preciziranja odredbe, kako bi se učinila jasnijom obzirom na poredloženu dopunu člana 2.

Član 3. vrši se izmjena u članu 49. stav (4) kako bi se trajanje pripravničkog staža ujednačilo u svim djelatnostima obrazovanja a i obzirom na činjenicu da i inače u drugim djelatnostima pripravnički staž zaposlenika sa VSS traje dvanaest mjeseci.

Član 4. vrši se dopuna člana 50. kako bi se isti učinio jasnijim.

Član 5. vrši se izmjena i dopuna člana 53. kako bi se, u nedostatku adekvatnog kadra kao i zbog nemogućnosti brzog provođenja konkursne procedure omogućio prijem na određeno bez konkursa do 180 dana te angažovanje lica za provođenje programa obaveznog predškolskog odgoja, obzirom da isti traje do 3 mjeseca.

Član 6. vrše se dopune člana 56. kako bi se isti uskladio sa odredbama Zakona o radu.

Član 7. u članu 66. predloženo je dodavanje novih stavova kojim se reguliše pitanje radnog odnosa direktora predškolske ustanove. Naime, kako do sada nije bilo definisano da direktor sa predškolskom ustanovom mora zaključiti ugovor kojim se obavezuje na puno radno vrijeme u ustanovi, to smo imali situacije da su direktori bili angažovani kao menadžeri, a presudom Kantonalnog suda u Tuzli nam je ukazano na to da je, obzirom na društveni značaj i ulogu predškolskih ustanova, neophodno regulisati na način da se poslovi direktora u takvim ustanovama ne mogu obavljati bez zasnivanja radnog odnosa.

Član 8. vrši se dopuna u članu 81. stavu (1) tački f) kako bi se odredba učinila jasnijom po uzoru na ostale odredbe iz istog stava.

Član 9. dodaje se nova kaznena odredba koja će omogućiti nadležnim inspektorima da u slučaju da zateknu pravno ili fizičko lice u svojstvu obrtnika u obavljanju djealnosti predškolskog odgoja kako je ona definisana u predloženom članu 2. stav (3) isto mogu sankcionisati.

Član 10. prelazna odredba kojom se definiše rok za usklađivanje općih akata predškolskih ustanova sa ovim zakonom.

Član 11. prelazna odredba kojom se definiše završetak započetog pripravničkog staža obzirom da je predložena izmjena dužine istog.

Član 12. definiše se momenat stupanja na snagu ovog zakona.

IV – FINANSIJSKA SREDSTVA

Ni jedna od predloženih odredbi Zakona o izmjenama i dopunama Zakona o predškolskom odgoju i obrazovanju, ne iziskuje dodatna finansijska sredstva u Budžetu Tuzlanskog kantona za 2025. godinu kao ni naredne budžetske godine što je definisano i u obrascu IFP - NE.

V – PRIJEDLOG

Na osnovu izloženog predlažemo Skupštini Tuzlanskog kantona da po redovnom postuku shodno odredbama člana 124. Poslovnika Skupštine Tuzlanskog kantona uvrsti utvrđeni prijedlog Zakona o izmjenama i dopunama Zakona o predškolskom odgoju i obrazovanju, na prvu narednu sjednicu Skupštine Tuzlanskog kantona.

**PREDLAGAČ
VLADA TUZLANSKOG KANTONA**



Broj: 10/1-34-034467-5/24
Tuzla, 12.02.2025. godine

Shodno tački 3. Zaključka Skupštine Tuzlanskog kantona (broj: 01-02-619-4/24 od 27.12.2024. godine), Ministarstvo obrazovanja i nauke Tuzlanskog kantona provelo je javnu raspravu o **Nacrtu Zakona o izmjenama i dopunama Zakona o predškolskom odgoju i obrazovanju**, te sačinilo sljedeći

IZVJEŠTAJ o javnoj raspravi

I UVODNE NAPOMENE

Vlada Tuzlanskog kantona, na sjednici održanoj dana 20.12.2024. godine, utvrdila je Nacrt Zakona o izmjenama i dopunama Zakona o predškolskom odgoju i obrazovanju, nakon čega je isti dostavila Skupštini Tuzlanskog kantona (u daljem tekstu: Skupština) na razmatranje i usvajanje.

Zaključkom (broj: 01-02-619-4/24 od 27.12.2024. godine), Skupština je prihvatila Nacrt Zakona o izmjenama i dopunama Zakona o predškolskom odgoju i obrazovanju (u daljem tekstu: Nacrt) i konstatovala da isti može poslužiti kao osnova za izradu Prijedloga Zakona, sa stavovima i primjedbama na Nacrt koje su izložila radna tijela i poslanici na sjednici Skupštine. Dalje, Skupština je zadužila Ministarstvo obrazovanja i nauke (u daljem tekstu: Ministarstvo) da provede javnu raspravu, u trajanju od 30 dana, da sumira rezultate javne rasprave i sačini izvještaj koji će dostaviti Vladi Tuzlanskog kantona i poslanicima Skupštine uz Prijedlog Zakona.

Imajući u vidu naprijed izloženo, Ministarstvo je Nacrt uputilo u javnu raspravu sljedećim subjektima: a) **Pedagoški zavod Tuzlanskog kantona**, b) **Kantonalna uprava za inspeksijske poslove Tuzla**, c) **Sva ministarstva u Vladi Tuzlanskog kantona** i d) **Predškolske ustanove sa područja Tuzlanskog kantona**.

U postupku javne rasprave Kantonalna uprava za inspeksijske poslove Tuzla posebno je zadužena da razmotri materijalno-pravna i procesna rješenja sadržana u Nacrtu, te Ministarstvu, u kontekstu Zakona o inspekcijama Tuzlanskog kantona i drugih važećih propisa kojima se uređuje oblast provođenja inspeksijskog nadzora, dostavi odgovarajuće primjedbe, prijedloge, sugestije i mišljenja na isti.

Svoje primjedbe, prijedloge, sugestije i mišljenja učesnici javne rasprave mogli su dostaviti Ministarstvu u roku od 30 dana od dana utvrđivanja Nacrta od strane Skupštine, na adresu Muhameda Hevajia Uskufija br. 1 – Tuzla, a najkasnije do **27.01.2025. godine**. Po isteku ovog roka, u prostorijama Ministarstva, dana 12.02.2025. godine, organizovana je rasprava na Okruglom stolu o Nacrtu, nakon čega je Ministarstvo sumiralo rezultate javne rasprave i sačinilo ovaj izvještaj.

U javnu raspravu uvršten je Izvještaj Zakonodavno-pravne komisije Skupštine (broj: 02-02-619-3/24 od 24.12.2024. godine), kojim je, prije upućivanja Skupštini na razmatranje prihvaćen tekst Nacrta, sa primjedbama i prijedlozima pobliže izloženim u pomenutom aktu. Primjedbe Komisije, na odgovarajući način, prihvaćene su i ugrađene su u tekst predmetnog prijedloga.

Takođe, u javnu raspravu uključene su i diskusije zastupnika Skupštine o tekstu Nacrta utvrđenog od strane Vlade Tuzlanskog kantona, koje su na odgovarajući način izanalizirane i na koje će, po pojedinim diskusijama, u daljem tekstu ovog izvještaja biti napravljen poseban osvrt.

U roku određenom od strane Skupštine i Programom javne rasprave, primjedbe, prijedloge, sugestije i mišljenja na Nacrt su dostavili JU za predškolski odgoj i obrazovanje „Naše dijete“ Tuzla (u daljem tekstu: NAŠE DIJETE) i Aktiv direktora predškolskih ustanova Tuzlanskog kantona (u daljem tekstu: AKTIV DIREKTORA).

II PRIMJEDBE, PRIJEDLOZI, SUGESTIJE I MIŠLJENJA (zastupnici u Skupštini)

Kada su u pitanju diskusije zastupnika u Skupštini diskutovao je (u okviru objedinjene diskusije o Nacrtu Zakona o izmjenama i dopunama Zakona o predškolskom odgoju i obrazovanju, Nacrtu Zakona o izmjenama i dopunama Zakona o osnovnom odgoju i obrazovanju i Nacrtu Zakona o izmjenama i dopunama Zakona o srednjem obrazovanju i odgoju) zastupnik Boris Krešić.

Boris Krešić (diskusija):

„Ponovo vas sve pozdravljam. Drago mi je da dolazi do nekih izmjena i dopuna ovih Zakona, nadam se da oni idu nabolje, međutim imam neke nedoumice u pogledu Zakona o predškolskom odgoju i obrazovanju, naročito u ovoj definiciji predškolskog odgoja i obrazovanja. Pa ovde kaže, da je to svaki vid okupljanja grupe djece, više od dvoje djece predškolske dobi, koji podrazumijeva obezbjeđen boravak, “zarež”, ishranu kao i organizovane aktivnosti sa djecom. Pa imamo dole izuzetke u pogledu igraonica, vjerskih zajednica i nešto slično. Pa mi ovde dolazi, kao da je ova ishrana ključni momenat u definiciji, ako nema ishrane onda nije predškolski odgoj, ako ima onda..jeste! možemo ovde ovaj “zarež” kaže da je to konstitutivni elemenat, nije “ili” “ili”, već kažu u koliko su ..obezbjeđen boravak “zarež” ishranu kao “i” znači ishrana je taj elemenat koji od određene grupe pravi da li je to predškolska ili nije predškolska grupa. Možda kod! definicije voditi malo pažnje, viditi s ovom ishranom na koji način postupati, da li uopšte da bude tu ili ne, i ono što mi je jako bitno jest, pored ovih općih uslova dole što je, da se ne vodi krivični postupak, a to je ono što sam rekao kao predsjednik da se vežemo za ona krivična djela za koje, zaposlenik ide na suspenziju, jel’, bilo bi nesvrishodno nekoga primiti na radno mjesto i odmah čim ga primite suspendovati ga sa radnog mjesta zato što se protiv njega vodi krivični postupak. Jeste jedna nelogičnost koju ovde nalazim. Ovako, kažete, ovako” Kod općih uslova u članu 75. jedan od općih uslova da je lice mlađe od 65. godina” Jedan od njih je da je mlađi od 65., a onda izuzetak pravimo kažemo da onaj koji ispunjava uslove za penziju može konkurisat.... Onda ne može, ako je opći uslov da je mlađi od 65., onda ovaj koji je ispunio uslov za penziju ne može konkurisat nikako. To treba vidit u oba Zakona i ovde ako ćemo dat licima, a po presudi Ustavnog suda tamo je rečeno da lica koja ostvaruju pravo na penziju mogu zasnovati radni odnos. Znači, ako ćemo im dat priliku, da ovde ne bude, za ova lica koja su ostvarila penziju, da ne bude može! zasnovati radni odnos, već da ipak damo prednost onima koji nisu! u penziji, znači onima mlađim. Da napravimo takvu odredbu da prednost imaju koji su mlađi, zapravo nisu ostvarili pravo na penziju, pa tek onda ukoliko nema kadra od tih mlađih, da onda se zapošljavaju oni koji su išli u penziju. Znam! da je to namjera zakonodavca, ali iz ove odredbe se to ne vidi, ovde kaže, može on konkurisat, ako može on konkuriše i onda ravnopravno učestvuje u tom konkursu na određeno radno vrijeme. Razmisliti, znači u ovom postupku, da vidimo da bliže malo odredimo ovu normu nego što ona sada jeste, i ono što je bilo pitanje koje se pojavljivalo pred Komisijom za obrazovanje jeste, ja ne vidim, možda ima, jeste nadzor, ko vrši nadzor nad radom direktora osnovnih škola i srednjih škola u pogledu dolaska za vrijeme radnog vremena? Imali smo dosta pritužbi. Kad smo pitali inspekcijske organe, da izvrše inspekcijski nadzor nad radom direktora u pogledu radnog vremena, rekli su nam da oni nisu nadležni. Kad smo pitali inspektore za obrazovanje, oni su rekli da oni nisu u nadležnosti, tako da tu imamo jednu pravnu prazninu, pa bi bilo dobro u ovoj javnoj raspravi, napisati odredbu “ko vrši nadzor nad radom direktora, u pogledu njihovog radnog vremena. Zahvaljujem“

REZIME: U odnosu na diskusiju pomenutog zastupnika Skupštine, koja se odnosila na član 1. Nacrta i dio kojim se definiše šta je predškolski odgoj i obrazovanje, mišljenja smo da je jedan od bitnih elemenata, koji ne može biti uklonjen iz same definicije, svakako i ishrana djece. Naime pored boravka, provođenja programa i aktivnosti, igre, dio dnevne rutine čini i obezbjeđenje obroka, čije pripremanje i distribucija je definirana i Pedagoškim standardima i normativima za predškolski odgoj i obrazovanje. Pomenuti segment skupa sa ostalima i predstavlja ono na osnovu čega treba predškolski odgoj i obrazovanje razlikovati u odnosu na druge djelatnosti.

III PRIMJEDBE, PRIJEDLOZI, SUGESTIJE I MIŠLJENJA (učesnici javne rasprave)

Kako je to u prednjem dijelu ovog izvješataja već spomenuto, u roku određenom od strane Skupštine i Programom javne rasprave (kojim je rok preciziran i određen kao 27.01.2025. godine), primjedbe, prijedloge, sugestije i mišljenja dostavili su **NAŠE DIJETE I AKTIV DIREKTORA**, dok ostali učesnici javne rasprave na tekst Nacrta iste nisu dostavili.

A. NAŠE DIJETE

Svojim aktom broj: 01-34-287/2025 od 24.01.2025. godine, NAŠE DIJETE je dostavila prijedloge na Nacrt, tako što je je napravljen osvrt na član 42., član 55. i član 56. važećeg zakonskog rješenja, tj.:

- predlažu izmjenu u članu 42. (obavezni programi predškolskog odgoja i obrazovanja pred polazak u osnovnu školu i to na način da se u stavu (2) istog brišu riječi „u maksimalnom dnevnom trajanju od tri sata“

- predlažu dodavanje novih stavova (4) i (5) koji bi glasili:

(4) Ukoliko u određenoj školi ne postoji dovoljan broj prijavljene djece za formiranje grupe, u skladu sa Pedagoškim standardima i normativima, ustanova zadužena za realizaciju obaveznog programa predškolskog odgoja i obrazovanja, može da formira komisiju koja će uz procjenu popuniti i pedagoške kartone.

(5) O formiranju komisije iz prethodnog stava, ustanova je dužna upoznati nadležno ministarstvo i pedagoški zavod.

- predlažu izmjenu u članu 55. i to na način da se riječi „u sklopu utvrđenog broja radnih sati u toku sedmice“ zamijene sa riječima „u okviru 40-satne radne sedmice“

- predlažu dopunu člana 56. novim stavom (2) i izmjenom stava (3) koji glase:

(2) Ako zaposlenici iz stava (1) koriste godišnji odmor u dijelovima, prvi dio koristi bez prekida u trajanju od najmanje 12 radnih dana u toku kalendarske godine, a drugi dio najkasnije do 30. juna naredne godine.

(3) Radnik koji ne iskoristi dio godišnjeg odmora u smislu stava (2) ovog člana, nema pravo prenošenja godišnjeg odmora u narednu godinu.

a radi usklađivanja sa Zakonom o radu.

REZIME:

Prilikom izrade Prijedloga Zakona prihvaćene su sugestije NAŠE DIJETE koje se tiču dopuna i izmjena člana 56. koji se odnosi na godišnje odmore zaposlenika dok prijedlog koji se odnosi na obavezni program predškolskog odgoja nije moguće prihvatiti obzirom da je Okvirnim zakonom o predškolskom odgoju i obrazovanju u Bosni i Hercegovini propisano da je predškolski odgoj i obrazovanje obavezno za svu djecu u godini pred polazak u osnovnu školu dok predložena izmjena u članu 55. po mišljenju Ministarstva nije odgovarajuća obzirom da su odredbom obuhvaćeni svi zaposlenici predškolskih ustanova.

B. AKTIV DIREKTORA

AKTIV DIREKTORA dostavio je prijedloge na tekst Nacrta Zakona tako što je je napravljen osvrt na član 68. i 53. važećeg zakonskog rješenja, tj.:

- u članu 68. u stavu (1) riječi „a najviše dva puta uzastopno u istoj predškolskoj ustanovi“ zamjeniti riječima „više puta bez ograničenja“

- u članu 53. koji se odnosi na izbor zaposlenika u javnoj predškolskoj ustanovi predlažu dodavanje novih stavova kojima bi se omogućilo angažovanje lica zaposlenih kod drugog poslodavca kao i lica koja su stekla uslove na penziju, ugovorom o djelu na najduže 90 dana kao i izmjenu postojećih odredbi koje se tiču rada na određeno bez konkursa i produženje perioda sa 90 na 180 dana.

REZIME: U odnosu na prijedloge Aktiva direktora isti su djelimično prihvaćeni te su na adekvatan način izvršene dorade odredbi u samom Prijedlogu Zakona.

IV POSEBNE I ZAVRŠNE NAPOMENE

Ministarstvo je u toku javne rasprave zaprimilo i nekoliko prijedloga odnosno sugestija od subjekata koji nisu označeni kao učesnici Javne rasprave u utvrđenom Programu javne rasprave o Nacrtu ali je navedene prijedloge i sugestije svakako razmotrilo i gdje je bilo potrebe reagovalo adekvatnim doradama teksta Nacrta.

Dana 12.02.2025. godine organizovana je rasprava na Okruglom stolu o Nacrtu kojoj su prisustvovali predstavnici PZTK i KUIP, NAŠE DIJETE, JU za odgoj i obrazovanje djece predškolskog uzrasta Srebrenik, JU „Dječije obdanište“ Živinice TE Mirsada Smajlović i Alisa Tuholjaković vlasnice vrtića/igraonica koji nisu registrovani kao predškolske ustanove, kojom prilikom su rezimirani rezultati javne rasprave kroz razmatranje dostavljenih prijedloga i sugestija kao i konstruktivnu raspravu sa svim prisutnim.

DOSTAVITI:

- 1 x Vlada Tuzlanskog kantona**
- 1 x svim zastupnicima Skupštine TK**
(uz Prijedlog Zakona)
- 1 x a/a**



MINISTAR
Dr. sc. Ahmed Omerović
Dr. sc. Ahmed Omerović

OBRAZAC IZJAVA O FISKALNOJ PROCJENI

Obrazac IFP NE

A 1. Obradivač propisa

	KOD	Ministarstvo obrazovanja i nauke Tuzlanskog kantona	NAZIV
	24010018		

B 2. Osnovni podaci o prijedlogu propisa

	Zakon	DA	Odluka	NE	Strategija	NE
Razdjel	Uredba	NE	Drugi akti	NE	Drugi akti planiranja	NE
Vrsta propisa/akta	Zakon o izmjenama i dopunama Zakona o predškolskom odgoju i obrazovanju					
Naziv propisa/akta	Zakon o izmjenama i dopunama Zakona o predškolskom odgoju i obrazovanju					

C 3. Izjava o nepostojanju dodatnih fiskalnih efekata predloženog propisa

Donošenje Zakona o izmjenama i dopunama Zakona o predškolskom odgoju i obrazovanju nema i neće rezultirati dodatnim finansijskim učinkom na planirana sredstva u Budžetu Tuzlanskog kantona.

D 4. Pečat i potpis odgovornog lica obrađivača, odnosno predlagača propisa

Mjesto i datum

05.03.2025. godine

Ornina A.

